

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA KAKANJ
Općinsko vijeće**

Broj: 01/1-15-Z/26
Kakanj, 26.02.2026. godine

**Z A P I S N I K
sa 15. redovne sjednice Općinskog vijeća održane 26.02.2026. godine (četvrtak)
u sali Općinskog vijeća sa početkom u 09:00 sati
(sažetak zapisnika)**

Predsjedavajući Općinskog vijeća Slaven Katičić je pozdravio prisutne i otvorio 15. redovnu sjednicu Općinskog vijeća.

Predsjedavajući je zamolio da vijećnici i vijećnice prijave svoje prisustvo.

Vijećnici i vijećnice prisutni na sjednici:

Hamza Vahid El-Din, Amel Kusić, Dženan Ajdinović, Tarik Hodžić, Edin Čatić, Ilhana Alajbegović, Sanda Hasagić-Terzić, Mustafa Subašić, Ilda Arnautović i Izudin Hrusto (**SDA**)

Mensur Čehajić, Senad Softić, Vinka Aletović, Adem Bećirhodžić, Edin Šljivo i Irna Imamović (**SDP BiH**)

Adnan Demir i Mirnes Pipo (**NV**)

Dževdet Huskić i Branko Češljic (**NS**)

Mirsad Tursum (naknadno pristupio) (**NiP**)

Mirela Kubura (**SN**)

Rešad Merdić (**S BiH**)

Slaven Katičić (**HDZ BiH**)

Armin Bašić (**DF**)

Mujo Fafulić (**nacionalne manjine**)

Odsutni vijećnici: Nermana Mehić (**SN**), Mensur Bliznović (**NV**), Sanel Šabanović (**SDP**) i Fahrudin Buza (**NiP**).

Predsjedavajući je konstatovao da je na sjednici u momentu prijave prisutno 25 vijećnika i vijećnica, te su se stekli svi potrebni uslovi za validan rad i odlučivanje Općinskog vijeća.

Pored vijećnika sjednici su prisustvovali:

Mirnes Bajtarević, općinski načelnik

Emir Zaimović, sekretar Općinskog vijeća

Ramiz Hasić, pomoćnik općinskog načelnika za finansije

Mirza Fazlić, pomoćnik općinskog načelnika za privredu, urbanizam i zaštitu okoline

Edin Aliefendić, pomoćnik općinskog načelnika za društvene djelatnosti, boračka pitanja, raseljena lica, izbjeglice i povratnike

Bahrudin Arnaut, pomoćnik općinskog načelnika za opću upravu radne i zajedničke poslove, lokalnu samoupravu i mjesne zajednice

Nurudin Hrusto, pomoćnik općinskog načelnika za civilnu zaštitu

Mahir Sikira, šef Stručne službe za poslove općinskog načelnika
Izudin Puščul, direktor Zavoda za planiranje i izgradnju Općine Kakanj

Izjave, obrađivači, gosti

Fadil Merdić, predsjednik Komisije za izradu Odluke o komunalnim taksama
Mejra Kozlo, ispred Zavoda za zaštitu i projektovanje Tuzla
Azra Delibašić, direktorica JU za predškolski odgoj i obrazovanje „Mladost“ Kakanj
Helmina Murtić, zamjenica direktorice JU za predškolski odgoj i obrazovanje „Mladost“ Kakanj
Milijana Terzić, direktorica JU „Gradska biblioteka“ Kakanj

Predstavnici medija

NTV IC Kakanj
Radio Kakanj

Napomene o radu Kolegija Općinskog vijeća

Predsjedavajući je napomenuo da je u pripremi 15. redovne sjednice Općinskog vijeća, Kolegij održao sjednicu dana 18.02.2026. godine i razmatrao pristigle predstave, prijedloge i inicijative, te je po istima zauzeo stavove i proslijedio ih nadležnim službama i organima na daljnje postupanje.

Usvajanje zapisnika sa 14. redovne sjednice Općinskog vijeća

Nije bilo primjedbi na zapisnik i isti je usvojen jednoglasno sa 24 glasa ZA.

Komentari na dostavljene odgovore na vijećnička pitanja

Nije bilo komentara.

Komentari na dostavljena mišljenja na vijećničke inicijative

Dževdet Huskić: je rekao da je na prošloj sjednici pokrenuo inicijativu za unošenje u zapisnik pojedinačnog izjašnjavanja na šta je dobio odgovor da to poslovnički nije nužno. Dodao je da bi zbog naknadnih diskusija bilo poželjno da se i to unese jer je u zapisnicima naznačeno samo zbirno glasanje. U vezi inicijative da se uklone srušena stabla i grane u rijekama nakon snježnih nepogoda (Čatići) rekao je da bi službe trebale reagovati odmah, a ne čekati redovno održavanje koje je planirano dvaput godišnje čime bi se postigli i bolji efekti a uklonili uzroci potencijalnih problema koji mogu nastati zbog neuklanjanja stabala i grana u rijekama.

Mirela Kubura: je rekla da je podnijela inicijativu za izmjenama i dopunama Odluke o sufinansiranju prevoza učenika srednjih škola te da nije zadovoljna odgovorom kojim se kaže da nema dovoljno finansijskih sredstava. Dodala je da, ukoliko se ne može sufinansirati cjelokupan iznos, može dio, što bi bilo značajno za učenike srednjih škola i njihove roditelje te najavila da će ponovo podnijeti istu inicijativu.

Vijećnička pitanja

Dževdet Huskić: je postavio dva vijećnička pitanja. Prvo je koliko novca je iz Općine Kakanj usmjereno na konkretne projekte za rekonstrukciju, poboljšanje i proširenje mreže daljinskog grijanja kojim upravlja JP „Energokom“ (ex - JP Grijanje) u periodu 2015 – 2025. godine. A drugo - na šta se odnosi stavka "Prethodni dug" koja se nalazi u donjem lijevom uglu računa JP Vodokom.

Mirnes Pipo: je postavio jedno vijećničko pitanje - da li je Općina Kakanj dala bilo kakve dozvole za istraživanje, vršenje bušotina ili druge aktivnosti firmi DPMetals BH d.o.o. Vareš ili njenim pravnim prednicima?

Mirza Fazlić (odgovor): Općina Kakanj nije, niti može izdati bilo kakvo rješenje za ikakve radove na području svoje teritorije jer se radi o prostoru koji je kroz prostorno-plansku dokumentaciju zaštićen. Obzirom na njegov zaštićen status, ni Kanton ne može izdati bilo kakvu dozvolu dok se to ne definiše prostornim planom što govori da: dozvole nisu izdate, niti će biti izdate.

Vijećničke inicijative

Armin Bašić: je pokrenuo dvije vijećničke inicijative: za postavljanje saobraćajne signalizacije i to znak „obavezan smjer desno“ na izlazu iz parkinga „ADS marketa“ prema kružnom toku i istog znaka na izlazu sa parkinga gradske džamije i za inspekcijski nadzor izgrađenog puta na dionici "Vidikovac – Hurije" mjesto Trijepče.

Dževdet Huskić: je pokrenuo dvije vijećničke inicijative: za inspekcijski nadzor platoa pored solitera 3 u svrhu utvrđivanja stabilnosti i sigurnosti za pješake i vlasnike podzemnih garaža ispod platoa kojem je svrha pješačka zona i za obilazak saobraćajnica i privremeno saniranje novonastalih udarnih rupa koje su se pojavile nakon obilnih snježnih padavina u proteklom periodu.

Hamza Vahid El-Din: je pokrenuo dvije vijećničke inicijative: za postavljanje usporivača brzine kod stambene zgrade Ušće i za uvođenje noćnih obilazaka određenih lokacija u MZ Varda.

Mirela Kubura: je pokrenula vijećničku inicijativu za izmjene i dopune Odluke o sufinansiranju troškova prevoza redovnih učenika srednjih škola.

Mustafa Subašić: je pokrenuo vijećničku inicijativu za nabavku i ugradnju kotla na pelet u džamijskom kompleksu MZ Tršće.

Adem Bećirhodžić: je pokrenuo vijećničku inicijativu za proširenje sistema daljinskog grijanja u MZ Bukovlje.

Vinka Aletović: je pokrenula vijećničku inicijativu za unapređenje i sanaciju javne rasvjete u naseljima Modrinje i Sopotnica.

Utvrđivanje dnevnog reda

Prijedlog dnevnog reda je usaglašen na sjednici Kolegija 18.02.2026.godine, pa je za sjednicu predsjedavajući predložio dnevni red po pozivu za 15. redovnu sjednicu. Na intervenciju Komisije za izbor u regulirane organe posljednje tačke o imenovanjima u UO i NO JU se preimenuju u privremena imenovanja.

U diskusiji o dnevnom redu nije niko učestovovao i Vijeće je usvojilo dnevni red sa 25 glasova ZA, niko PROTIV i 1 UZDRŽAN.

Usvojeni dnevni red

1. Prijedlog odluke o komunalnim taksama
2. Prijedlog odluke o davanju saglasnosti Udruženju „Zelena energija“ Kakanj za instalaciju fotonaponske elektrane (FNE) na krovu administrativne zgrade Općine Kakanj
3. Prijedlog odluke o izmjeni Odluke o dodjeli poticaja poslodavcima za zapošljavanje pripravnika i angažovanje lica na stručnom osposobljavanju bez zasnivanja radnog odnosa
4. Izveštaj o realizaciji Programa rasporeda i utroška planiranih sredstava od naknade za vatrogastvo u 2025.godini
5. Prijedlog programa rasporeda i utroška planiranih sredstava od naknada za vatrogastvo 2026. godini
6. Prijedlog odluke o usvajanju Procjene ugroženosti i Plana zaštite od požara Općine Kakanj
7. Prijedlog programa utroška sredstava za informisanje za 2026. godinu
8. Izveštaj o realizaciji Programa utroška sredstava od koncesionih naknada za 2025. godinu
9. Prijedlog programa rasporeda sredstava od koncesionih naknada za 2026. godinu
10. Izveštaj o realizaciji Programa utroška sredstava od prodaje poslovnih prostora, stanova i zemljišta za projekte 2025. godine
11. Prijedlog programa utroška sredstava od prodaje poslovnih prostora, stanova i zemljišta za projekte u 2026.godini
12. Izveštaj o realizaciji Programa utroška sredstava komunalne naknade za 2025. godinu
13. Prijedlog programa utroška sredstava komunalne naknade za 2026. godinu
14. Izveštaj o realizaciji Plana održavanja lokalnih cesta na području općine Kakanj za 2025. godinu
15. Plan redovnog održavanja javnih cesta na području općine Kakanj za 2026. godinu

16. Prijedlog programa utroška sredstava za podsticaje u poljoprivredi za 2026. godinu
17. Prijedlog programa utroška sredstava za podsticaj razvoja poduzetništva i obrta za 2026. godinu
18. Prijedlog programa utroška namjenskih sredstava za zaštitu okoline za 2026. godinu
19. Prijedlog finansijskog plana poslovanja JU za predškolski odgoj i obrazovanje „Mladost“ Kakanj za 2026. godinu
20. Prijedlog programa rada JU „Gradska biblioteka“ Kakanj sa finansijskim planom za 2026. godinu
21. Prijedlog dopunskog rješenja o konačnom imenovanju dvaju članova Skupštine JP „Vodokom“ d.o.o. Kakanj
22. Prijedlog dopunskog rješenja o konačnom imenovanju člana UO JU Dom zdravlja sa stacionarom Kakanj
23. Prijedlog rješenja o privremenom imenovanju članova UO JU „Gradska biblioteka“ Kakanj
24. Prijedlog rješenja o privremenom imenovanju članova NO JU „Gradska biblioteka“ Kakanj
25. Prijedlog rješenja o privremenom imenovanju članova UO JU „Kulturno-sportski centar“ Kakanj
26. Prijedlog rješenja o privremenom imenovanju članova NO JU „Kulturno-sportski centar“ Kakanj

Tačka 1.

Prijedlog odluke o komunalnim taksama

Predlagač: Općinski načelnik

Obrađivač: Služba za privredu, urbanizam i zaštitu okoline

Izjavitelj: Fadil Merdić, predsjednik Komisije za izradu odluke

U diskusiji nije niko učestvovao i Vijeće je usvojilo Odluku o komunalnim taksama sa 20 glasova za, 2 protiv i 4 uzdržana.

Tačka 2.

Prijedlog odluke o davanju saglasnosti Udruženju „Zelena energija“ Kakanj za instalaciju fotonaponske elektrane (FNE) na krovu administrativne zgrade Općine Kakanj

Predlagač: Općinski načelnik

Obrađivač: Služba za imovinskopravne, geodetske poslove i katastar nekretnina

Izjavitelj: Mukades Delibašić, pomoćnik općinskog načelnika

U diskusiji su učestvovali Dževdet Huskić, Mirela Kubura i Hamza Vahid El-Din.

Dževdet Huskić: se osvrnuo na dokumentaciju koja je prilog prijedlogu odluke a odnosi se na upit Udruženja Službi za privredu, urbanizam i zaštitu okoline o stabilnosti krovne konstrukcije zgrade nakon postavljanja fotonaponske elektrane. U odgovoru Službe za privredu, urbanizam i zaštitu okoline rečeno je da će se na to pitanje odgovoriti glavnim projektom, pa se ostavlja prostor za sumnju može li krov zgrade izdržati ovu instalaciju.

Mirela Kubura: se složila sa diskusijom vijećnika Huskića i upitala kada je u planu izrada glavnog projekta. Što se tiče prijedloga odluke rekla je da je članom 1. navedeno da će Udruženje vršiti instalaciju, eksploataciju, održavanje i verifikaciju postrojenja, a da neće vršiti deinstalaciju i upravljanje otpadom nakon deinstalacije. Upitala je da li je to propust ili će predlagača na drugi način riješiti deinstalaciju i upravljanje otpadom nakon deinstalacije panela.

Hamza Vahid El-Din: je čestitao općinskom načelniku i timu na ostvarenju ovog projekta.

Općinski načelnik: se kratko osvrnuo na tok projekta i kapacitet fotonaponske elektrane koji odgovara konstrukciji krova zgrade i statički čitave zgrade. Što se tiče deinstalacije i upravljanja otpadom nakon deinstalacije, rekao je da je primjedba korektna te da će se ugovorom precizirati da će osnivači Udruženja u skladu s važećim propisima odgovorno upravljati otpadom nakon isteka 25 godina.

Nakon diskusije Vijeće je usvojilo Odluku o davanju saglasnosti Udruženju „Zelena energija“ Kakanj za instalaciju fotonaponske elektrane (FNE) na krovu administrativne zgrade Općine Kakanj sa 22 glasa za, niko protiv i 4 uzdržana.

Tačka 3.

Prijedlog odluke o izmjeni Odluke o dodjeli poticaja poslodavcima za zapošljavanje pripravnika i angažovanje lica na stručnom osposobljavanju bez zasnivanja radnog odnosa

Predlagač: Općinski načelnik

Obrađivač: Služba za opću upravu, radne i zajedničke poslove, lokalnu samoupravu i mjesne zajednice

Izvjestilac: Bahrudin Arnaut, pomoćnik općinskog načelnika

U diskusiji nije niko učestvovao i Vijeće je usvojilo Odluku o izmjeni Odluke o dodjeli poticaja poslodavcima za zapošljavanje pripravnika i angažovanje lica na stručnom osposobljavanju bez zasnivanja radnog odnosa jednoglasno sa 24 glasa za.

Tačka 4.

Izveštaj o realizaciji Programa rasporeda i utroška planiranih sredstava od naknade za vatrogastvo u 2025.godini

Tačka 5.

Prijedlog programa rasporeda i utroška planiranih sredstava od naknada za vatrogastvo u 2026. godini

Predlagač: Općinski načelnik

Obrađivač: Služba civilne zaštite

Izvjestilac: Nurudin Hrusto, pomoćnik općinskog načelnika

Vijeće je vodilo objedinjenu raspravu o ovim dvjema tačkama.

U diskusiji je učestvovao Dževdet Huskić.

Dževdet Huskić: je istaknuo problem pristupa vatrogasnih vozila zgradama i generalno nezavidnoj zaštiti od požara u zgradama a onda upitao da li se Program realno planira kad je, prema Izveštaju za 2025. godinu ostalo neutrošenih oko 120.761KM, uplaćeno 47.227KM, a utrošeno 54.238KM. U Programu za 2026.godinu se ne navodi struktura prihoda pa se ne vidi da li je u Programu za 2026.godinu neutrošenih 120.000KM iz 2025.godine.

Nurudin Hrusto: je u vezi neutrošenih sredstava rekao da je praksa da se neutrošena sredstva prenose u narednu godinu, da su i naknade povećane što je uvećanje uplaćenih sredstava za oko 20.000KM, te da u ovih 120.000KM ima akumuliranih sredstava ne samo iz prethodne već više godina.

Nakon diskusije Vijeće je usvojilo Izveštaj o realizaciji Programa rasporeda i utroška planiranih sredstava od naknade za vatrogastvo u 2025.godini sa 25 glasova za, niko protiv i 1 uzdržan, a Program rasporeda i utroška planiranih sredstava od naknada za vatrogastvo u 2026. godini jednoglasno sa 25 glasova za.

Tačka 6.

Prijedlog odluke o usvajanju Procjene ugroženosti i Plana zaštite od požara Općine Kakanj

Predlagač: Općinski načelnik

Obrađivač: Služba civilne zaštite

Izvjestilac: Mejra Kozlo, ispred Zavoda za zaštitu i projektovanje Tuzla

U diskusiji nije niko učestvovao i Vijeće je usvojilo Odluku o usvajanju Procjene ugroženosti i Plana zaštite od požara Općine Kakanj sa 25 glasova za, niko protiv i 1 uzdržan.

Tačka 7.

Prijedlog programa utroška sredstava za informisanje za 2026. godinu

Predlagač: Općinski načelnik

Obrađivač: Stručna služba za poslove Općinskog načelnika

Izvjestilac: Mahir Sikira, šef kabineta općinskog načelnika

U diskusiji nije niko učestvovao i Vijeće je usvojilo Program utroška sredstava za informisanje za 2026. godinu sa 21 glasom za, 2 protiv i 3 uzdržana.

Tačka 8.

Izveštaj o realizaciji Programa utroška sredstava od koncesionih naknada za 2025. godinu

Tačka 9.

Prijedlog programa rasporeda sredstava od koncesionih naknada za 2026. godinu

Predlagač: Općinski načelnik

Obrađivač: Zavod za planiranje i izgradnju općine Kakanj

Izjestilac: Izudin Puščul, direktor Zavoda

Vijeće je vodilo objedinjenu raspravu o ovim dvjema tačkama.

U diskusiji su učestvovali Rešad Merdić i Mensur Čehajić.

Rešad Merdić: je rekao da se nikad ne govori o tome koji koraci se poduzimaju da se sredstva planirana programima i realizuju tj uberu, tako se u svim programima isti projekti prebacuju iz godine u godinu, planirana sredstava prenose, a u opticaju je značajno manji procenat ubranih prihoda nego što se programom predstavlja, što dovodi do zaključka da nema dovoljno sredstava. Upitao je koji su koraci poduzeti da se prihodi uberu od koncesionara.

Mensur Čehajić: je rekao da nije bilo potrebe da se skida projekt za rekonstrukciju ceste iz Programa od komunalne naknade od 49.374,00KM kako bi se ostvarila dva projekta iz Programa od koncesionih naknada - sanacija ceste u MZ Plandište - lokacija 1 i 2.

Izudin Puščul: je rekao da nije tačno da se projekt skida te pojasnio da, ukoliko su obaveze ugovorene, taj projekt će se realizovati, ako ne ove, onda iduće godine, jer nema povlačenja ugovorenih obaveza.

Mirnes Bajtarević: je pojasnio da su prihodi od koncesionih naknada kantonalni prihodi koji se onda raspoređuje po općinama. Općina Kakanj je u toku prošle godine slala 4 upita i urgencije da se vidi dokle se došlo sa uplatama od strane koncesionara i nadležno ministarstvo je dalo dogovor da su uplate vrlo niske a prema posljednjim informacijama ZDK je pokrenuo i određene procedure za naplatu.

Mensur Čehajić: je tražio pojašnjenje iz kojih sredstava se finansiraju dva projekta iz Programa od koncesionih naknada - sanacija ceste u MZ Plandište - lokacija 1 i 2 i zašto se nije završio projekt za rekonstrukciju ceste u Plandištu od komunalne naknade od 49.374,00KM.

Izudin Puščul: je ponovio da se ugovoreni projekti nastavljaju a lokacije su stvar dogovora sa predsjednicima mjesnih zajednica,

Rešad Merdić: je rekao da se sa koncesionarim treba odlučnije baviti kako bi na vrijeme izvršavali svoje obaveze.

Usljedila je pauza od 15' na zahtjev kluba vijećnika SDP.

Nakon pauze Vijeće je usvojilo Izveštaj o realizaciji Programa utroška sredstava od koncesionih naknada za 2025. godinu sa 22 glasa za, niko protiv i 4 uzdržana, a Program utroška sredstava od koncesionih naknada za 2026. godinu sa 21 glasom za, niko protiv i 5 uzdržanih.

Tačka 10.

Izveštaj o realizaciji Programa utroška sredstava od prodaje poslovnih prostora, stanova i zemljišta za projekte 2025. godine

Tačka 11.

Prijedlog programa utroška sredstava od prodaje poslovnih prostora, stanova i zemljišta za projekte u 2026.godini

Predlagač: Općinski načelnik

Obrađivač: Zavod za planiranje i izgradnju općine Kakanj
Izjestilac: Izudin Puščul, direktor Zavoda

Vijeće je vodilo objedinjenu raspravu o ovim dvjema tačkama.

U diskusiji je učestvovao Dževdet Huskić.

Dževdet Huskić: je rekao da je ovaj Program planiran krajnje odgovorno i hrabro, obzirom da u ovoj godini nema prijedloga za nove projekte već se prikupljaju sredstva za završetak započetih projekata.

Nakon diskusije Vijeće je usvojilo Izveštaj o realizaciji Programa utroška sredstava od prodaje poslovnih prostora, stanova i zemljišta za projekte 2025. godine sa 21 glasom za, niko protiv i 5 uzdržanih i Program utroška sredstava od prodaje poslovnih prostora, stanova i zemljišta za projekte 2026. godine sa istim brojem glasova.

Tačka 12.

Izveštaj o realizaciji Programa utroška sredstava komunalne naknade za 2025. godinu

Tačka 13.

Prijedlog programa utroška sredstava komunalne naknade za 2026. godinu

Predlagač: Općinski načelnik

Obrađivač: Zavod za planiranje i izgradnju općine Kakanj

Izjestilac: Izudin Puščul, direktor Zavoda

Vijeće je vodilo objedinjenu raspravu o ovim dvjema tačkama.

U diskusiji su učestvovali Rešad Merdić, Dževdet Huskić i Irna Imamović.

Rešad Merdić: je izrazio zadovoljstvo što je Program gotovo u cijelosti i prihodovan pa će se projekti planirani za 2026.godinu i ostvariti. Zahvalio se na uvrštenoj inicijativi da se Općina Kakanj sistematski bavi rješavanjem pasa lotalica.

Dževdet Huskić: je upitao da li postoje interni mehanizmi za kontrolu utroška ovih sredstava ili se isključivo oslanja na izvještaje koje preduzeća ili izvođači radova dostavljaju. Naveo je primjer utroška sredstava za čišćenja i mehaničkog pranja i održavanja ulica, fontana i sl te rekao da se za te namjene JP „Vodokom“ d.o.o. u prosjeku isplaćuje preko 1.000KM dnevno a evidentno je da su ulice prljave.

Izudin Puščul: je rekao da se svaki nalog koji se pošalje bilo kom izvođaču kontrolisao na način da uposlenik Zavoda ide na lice mjesta i evidentira učinjeno, te da je bilo dosta vraćenih naloga. Međutim, pošto je posla mnogo i Zavod nema toliko uposlenih da mogu ispratiti sve realizacije naloga, Zavod je putem javne nabavke angažovao Modus Projekt Kakanj kako bi ovaj posao obavljao stručno i profesionalno tako da sada pored uposlenika Zavoda na teren u kontrolu izlazi Modus Projekt Kakanj.

Irna Imamović: se osvrnula na iznos od 40.000KM predviđen za kafilerijske usluge i usluge higijenskog servisa i azila za smještaj životinja te rekla da bi najbolje rješenje bilo da se sklopi ugovor sa JPK „Glog“ kako bi se ovaj problem trajno riješio.

Izudin Puščul: je rekao da je ugovor već sklopljen u 2025.godini, da je u azil smješteno 27 pasa lotalica te da će se nastaviti i u ovoj godini. Međutim, Općina Kakanj bi trebala ići u smjeru izgradnje svog azila.

Nakon diskusije Vijeće je usvojilo Izveštaj o realizaciji Programa utroška sredstava komunalne naknade za 2025. godinu sa 20 glasova za, niko protiv i 5 uzdržanih i Program utroška sredstava komunalne naknade za 2026. godinu sa istim brojem glasova.

Tačka 14.

Izveštaj o realizaciji Plana redovnog održavanja javnih i nerazvrstanih cesta na području općine Kakanj za 2025. godinu

Tačka 15.

Plan redovnog održavanja javnih i nerazvrstanih cesta na području općine Kakanj za 2026. godinu

Predlagač: Općinski načelnik

Obrađivač: Zavod za planiranje i izgradnju općine Kakanj

Izjestilac: Izudin Puščul, direktor Zavoda

Vijeće je vodilo objedinjenu raspravu o ovim dvjema tačkama.

U diskusiji su učestvovali Armin Bašić i Adem Bećirhodžić.

Armin Bašić: je rekao da nakon zimskih nepogoda akcent treba biti na sanaciji svih gradskih i prigradskih saobraćajnica kao i na unapređenju horizontalne i vertikalne signalizacije te orezivanju rastinja uz saobraćajnice. Također, predložio je da se određenim zahtjevima djeluje i na više instance kako bi se uredile i dionice regionalnih puteva koji prolaze kroz Kakanj jer su i oni isto tako nedovoljno obilježeni.

Adem Bećirhodžić: je rekao da nije uočio da se planira održavanje puta prema naseljima Bukovlje, Demiri i Čobe te da je ovaj putni pravac godinama zapostavljen te izrazio nadu da će se uvrstiti u plan održavanja za 2027.godinu obzirom da se radi o prigradskim naseljima.

Nakon diskusije Vijeće je usvojilo Izveštaj o realizaciji Plana redovnog održavanja javnih i nerazvrstanih cesta na području općine na području općine Kakanj za 2025. godinu sa 20 glasova za, niko protiv i 4 uzdržanih i dalo saglasnost na Plan redovnog održavanja javnih i nerazvrstanih cesta na području općine Kakanj za 2026. godinu sa 21 glasom za, niko protiv i 4 uzdržana.

Tačka 16.

Prijedlog programa utroška sredstava za podsticaje u poljoprivredi za 2026. godinu

Predlagač: Općinski načelnik

Obrađivač: Služba za privredu, urbanizam i zaštitu okoline

Izjestilac: Mirza Fazlić, pomoćnik općinskog načelnika

U diskusiji je učestvovao Mensur Čehajić.

Mensur Čehajić: je predložio da se pod tačkom B) Programa – Ostale vrste podsticaja iz rezervnih sredstava uvrsti podsticaj za tov junadi i uzgoj ovaca.

Mirza Fazlić: je rekao da Federacija ima opredijeljena sredstva za tu namjenu od oko 4.900.000KM te da postoji već nekoliko korisnika tih sredstava sa područja općine Kakanj. Da bi se ova sredstva opredijelila za tu namjenu, morat će se izvršiti analiza o potencijalnom broju korisnika i postojećim korisnicima drugih podsticajnih mjera a isto tako morala bi se analizirati i podsticajna mjera jer nije moguće imati istu podsticajnu mjeru kao i viši nivoi vlasti. Ukoliko bi se analizom ispostavilo da ima dovoljan broj korisnika koji nisu obuhvaćeni nijednom mjerom podsticaja, mogla bi se iskoristiti sredstava rezervi da se i ovi korisnici obuhvate.

Nakon diskusije Vijeće je usvojilo Program utroška sredstava za podsticaje u poljoprivredi za 2026. godinu sa 22 glasa za, niko protiv i 1 uzdržan.

Tačka 17.

Prijedlog programa utroška sredstava za podsticaj razvoja poduzetništva i obrta za 2026. godinu

Predlagač: Općinski načelnik

Obrađivač: Služba za privredu, urbanizam i zaštitu okoline

Izjestilac: Mirza Fazlić, pomoćnik općinskog načelnika

U diskusiji nije niko učestvovao i Vijeće je usvojilo Program utroška sredstava za podsticaj razvoja poduzetništva i obrta za 2026. godinu jednoglasno sa 24 glasa za.

Tačka 18.

Prijedlog programa utroška namjenskih sredstava za zaštitu okoline za 2026. godinu

Predlagač: Općinski načelnik

Obrađivač: Služba za privredu, urbanizam i zaštitu okoline

Izjavitelj: Mirza Fazlić, pomoćnik općinskog načelnika

U diskusiji nije niko učestvovao i Vijeće je usvojilo Program utroška namjenskih sredstava za zaštitu okoline za 2026. godinu sa 21 glasom za, niko protiv i 3 uzdržana.

Tačka 19.

Prijedlog finansijskog plana JU za predškolski odgoj i obrazovanje „Mladost“ Kakanj za 2026. godinu

Predlagač: UO JU za predškolski odgoj i obrazovanje „Mladost“ Kakanj

Obrađivač: UO JU za predškolski odgoj i obrazovanje „Mladost“ Kakanj

Izjavitelj: Azra Delibašić, direktorica JU

U diskusiji nije niko učestvovao i Vijeće je dalo saglasnost na Finansijski plan JU za predškolski odgoj i obrazovanje „Mladost“ Kakanj za 2026. godinu sa 19 glasova za, niko protiv i 5 uzdržanih.

Tačka 20.

Prijedlog programa rada JU „Gradska biblioteka“ Kakanj sa finansijskim planom za 2026. godinu

Predlagač: UO JU „Gradska biblioteka“ Kakanj

Obrađivač: UO JU „Gradska biblioteka“ Kakanj

Izjavitelj: Milijana Terzić, direktorica JU

Ilda Arnautović: je izrazila zadovoljstvo što će se u Kakanju održati Međunarodni festival poezije „Riječi spajaju“ i izrazila nadu da će postati tradicionalan kao i Međunarodni festival „Žena s knjigom“.

U diskusiji je učestvovala Ilda Arnautović, a Vijeće je nakon rasprave dalo saglasnost na Program rada JU „Gradska biblioteka“ Kakanj sa finansijskim planom za 2026. godinu sa 20 glasova za, niko protiv i 5 uzdržanih.

Tačka 21.

Prijedlog dopunskog rješenja o konačnom imenovanju dvaju članova Skupštine JP „Vodokom“ d.o.o. Kakanj

Predlagač: Komisija za izbor u regulirane organe

Obrađivač: Stručna služba za poslove Općinskog vijeća

Izjavitelj: Irna Imamović, predsjednica Komisije

U diskusiji nije niko učestvovao i Vijeće je usvojilo Dopunsko rješenje o konačnom imenovanju dvaju članova Skupštine JP „Vodokom“ d.o.o. Kakanj sa 19 glasova za, niko protiv i 6 uzdržanih. Dopunskim rješenjem u Skupštinu JP „Vodokom“ d.o.o. Kakanj imenovani su Muamera Hodžić i Enijad Strika.

Tačka 22.

Prijedlog dopunskog rješenja o konačnom imenovanju člana UO JU Dom zdravlja sa stacionarom Kakanj

Predlagač: Ministarstvo zdravstva ZDK

Obrađivač: Stručna služba za poslove Općinskog vijeća

U diskusiji su učestvovali Adnan Demir i Mirsad Tursum.

Adnan Demir: je čestitao gđi Melisi Amidić na poziciji u UO Dom zdravlja sa stacionarom Kakanj a kompletnom UO poželio uspjeh u radu.

Mirsad Tursum: je rekao da govori u svojstvu vijećnika i iznosi nezadovoljstvo zaposlenika JU pri učešću na javnom konkursu koji je provelo Ministarstvo zdravstva ZDK. Rekao je da je dosta zaposlenika pristupilo konkursu, ali je većina odbijena jer ne ispunjava uslove konkursa tj njihovi fakulteti nisu zdravstvenog ili društvenog smjera. Ishod svega je da je prošao kandidat koji je jedini ispunjavao uslove konkursa. Općinsko vijeće treba odbiti ovaj prijedlog rješenja i tražiti od Ministarstva zdravstva da raspiše novi konkurs.

Adnan Demir: je rekao da nema ništa sporno u konkursu te da su, vezano za njegovu aplikaciju, bile neuredne izjave njegovom greškom, a fakultet gđina Imamovića nije odgovarao uslovima konkursa jer je on veterinar, a konkursom se tražio ekonomski, pravni ili zdravstveni fakultet.

Mirsad Tursum: je rekao da je gđin Imamović bio u dva navrata u UO ove ustanove a da se propisi nisu mijenjali, tako da nije jasno kako sad odjednom ne ispunjava uslove konkursa.

Vijeće nije usvojilo Dopunsko rješenje o konačnom imenovanju člana UO JU Dom zdravlja sa stacionarom Kakanj sa 11 glasova za, niko protiv i 14 uzdržanih.

Tačka 23.

Prijedlog rješenja o privremenom imenovanju članova UO JU „Gradska biblioteka“ Kakanj

Tačka 24.

Prijedlog rješenja o privremenom imenovanju članova NO JU „Gradska biblioteka“ Kakanj

Tačka 25.

Prijedlog rješenja o privremenom imenovanju članova UO JU „Kulturno-sportski centar“ Kakanj

Tačka 26.

Prijedlog rješenja o privremenom imenovanju članova NO JU „Kulturno-sportski centar“ Kakanj

Predlagač: Komisija za izbor i imenovanja

Obrađivač: Stručna služba za poslove Općinskog vijeća

Izvestilac: Hamza Vahid El-Din, predsjednik Komisije

Vijeće je vodilo objedinjenu raspravu ovim četrima tačkama.

U diskusiji nije niko učestvovao i Vijeće je usvojilo:

Rješenje o privremenom imenovanju članova UO JU „Gradska biblioteka“ Kakanj sa 18 glasova za, niko protiv i 5 uzdržanih. Rješenjem su u UO JU „Gradska biblioteka“ Kakanj imenovani Elvir Čobo – predsjednik, Marin Mijač i Erna Veispahić – članovi.

Rješenje o privremenom imenovanju članova NO JU „Gradska biblioteka“ Kakanj sa 17 glasova za, niko protiv i 5 uzdržanih, a vijećnik Huskić se izuzeo iz glasanja. Rješenjem su u NO JU „Gradska biblioteka“ Kakanj imenovani Arnela Vehab – predsjednica, Helmina Murtić i Sanida Huskić – članice.

Rješenje o privremenom imenovanju članova UO JU „Kulturno-sportski centar“ Kakanj sa 17 glasova za, niko protiv i 5 uzdržanih. Rješenjem su u UO JU „Kulturno-sportski centar“ Kakanj imenovani Nihad Tukić – predsjednik, Fadil Šolbić i Din Čurić – članovi.

Rješenje o privremenom imenovanju članova NO JU „Kulturno-sportski centar“ Kakanj sa 17 glasova za, niko protiv i 6 uzdržanih. Rješenjem su u NO JU „Kulturno-sportski centar“ Kakanj imenovani Amra Veispahić – predsjednica, Šeherzada Gačić i Belmin Čehajić – članovi.

Predsjedavajući je čestitao Dan nezavisnosti BiH svim građanima i građankama općine Kakanj i zaključio rad 15. sjednice Općinskog vijeća u 13 sati i 3’.

Audiozapis sa sjednice Vijeća pohranjen je u elektronskoj formi (CD-u) i sastavni je dio ovog Zapisnika.

**SEKRETAR
OPĆINSKOG VIJEĆA**
Emir Zaimović

**PREDSJEDAVAJUĆI
OPĆINSKOG VIJEĆA**
Slaven Katičić